

Kréyol Lékol

Alé asou site : Sanblaj-kreyollekol.com.url

An ti manmay sòti lékol. Lè i rivé an kay-la, manman'y ka mandé'y:

(Manman-an) - *Karenn, ki sa ou aprann lékol jòdi-a ?*

(Karen) - *Jòdi-a nou aprann ...*

(Manman-an)

- *Ti manmay, man pa lé'w palé kréyol ba mwen. Man pa kanmarad-ou !*

(Karen) - *Men manman ou pozé mwen an kesion an kréyol...*

(Manman-an) - *Ou réplitjèz épi sa ! Man za di 'w avan 'w palé kréyol ba mwen, aprann palé fwan sé.*

(Papa-a) - *Men Sizann, ti manmay-la ni dé lang : fwansé épi kréyol, poutji ou pa lé'y palé dé lang-li ?*

(Manman-an)

- *Wou menm-lan, ou ka soutiré'y ! Man pa lé'y palé kréyol ban mwen. Kréyol sé lang vié nèg ! Epi sa kay anpéché'y aprann lékol.*

(Papa-a)

- *Men ki sa 'w ka di la-a Sizann ! Sa kay anpéché'y aprann lékol. Ou pa sav ki jòdi jou yo ka aprann kréyol lékol.*

(Manman-an) - *La 'w pran sa, Yo ka aprann kréyol lékol !*

(Papa-a)

- *Kouman Sizann, ou pa ka kouté nouvel ? Ou pa tann minis-la di lot jou-a, « fòk fè kréyol lékol, sa kay endé sé zélèv-la réisi ».*

(Karen)

- *Mé wi manman, mèt-la ka aprann nou kréyol lékol-la. Nou ka matjé kréyol, nou ka li kréyol. I ka jis fè nou fè lison granmè an kréyol.*

(Papa-a)

- *Ebé ébé ! Sizann ou pa alapaj ? Gouvènman-an li menm fini pa rikonnet sa yo té ka di dépi lontan : « fok pèmet sé zélèv-la palé kréyol, sa kay endé yo pou espri mé ko yo. Kidonk, yo kay ni plis chans réisi lékol. Ou pa tann sa non pli ! Sé pa yen ki fèyton pou 'w ka gadé an télé-a!*

(Manman-an)

- *Sé sa ! Wou ki pa lé mantjé piès épizod « Daniella », ou lé fè lafet épi mwen atjel- man.*

(Karen)

- *Maaannnman ! Pou an ti palé kréyol man palé, zot za trapé an ladjè, épi zot za rivé jis anlè « Daniella ».*

(Manman-an)

- *Bon ! Karen ni rézon. Annou fini épi sa. Epi si gouvènman-an desidé fè kréyol lékol, i sav sa i ka fè.*

(Papa-a)

- Aaa ! Atjelman man tann ou palé ! Ébé doudou ! « Daniella » za koumansé. An nou alé gadé.

(Manman-an) - A bon i za koumansé, é sé atjelman ou ka di mwen sa ! Annou alé, annou alé ! Epi Karenn, si 'w ni lison kréyol pou aprann, alé aprann li.